

դիւեդրէն սպանեցին. Աստուած ողորմի իւրեանց հոգին: — Եւ ի սոյն ամին Բան Եանկինդարն (առ) Աստուած փոխեցաւ, և Զրէն Սղանխալ?

1562. Թվ. ՌԺԱ. Ի օրն Երկրորդ Մաղկազարդին Ֆրանգի եպիսկոպոսն ԳԺԽօնց Լենարդն, քաջ հռետոր և բանիբուն վարդապետ, փոխեցաւ առ Աստուած. զոր մարդասէրն Աստուած զիւր հոգին դասեցէ ընդ արդարսն և ընդ աստուածաբան սուրբ վարդապետսն. քանզի երախտաւոր էր ընդ Հայոց ազգին. և քան զնափն աւելի ընդունելով ընդունէր, միշտ ու հանապազ ի սեղանս կոչելով և հացակից առնելով. և 16 ամ կալաւ զաթոռ Կամենից վիճակի զաթոռն:

1562. Հայոց Թվ. ՌԺԱ. Մայիս ամսոյ Ժ. օրն Կիրակի Երկրորդ Մաղկազարդին, Ֆրանգի եպիսկոպոսն ԳԺԽօնց Լենարդ Սլունչովսքիյ առ Աստուած փոխեցաւ ի Կամենիցս. զոր էր ազնիւ բանիբուն վարդապետ և քաջ հռետոր. Աստուած ողորմի հոգոյ նորա:

1562. Հայոց Թվ. ՌԺԱ, և Օգոստոսի ԺԵ, օրն շաբաթն. զոր էր տօնն հռչակելի և հրաշալի Տիրամօրն Սրբոյ Կուսի Աստուածածնին: Այս դուքս որ կոչի Տեսութն, զոր կացոյց տէրն իշխան ի վերայ այդ խուժադուժ երկրին Օլախաց, զոր ամենագօրն Աստուած իւր մարդասիրութեամբն հաստատեցէ զնա ի վերայ իշխանութեան իւրոյ՝ մինչեւ ի խոր ծերութիւն անսասանելի և անշարժելի, յաղագս ողորմելի և եղկելի անտիրացեալ ազգիս Հայոց. զի խաղաղութեամբ և հանդարտութեամբ վարեցեն զկեանս իւրեանց ի վերայ Հայկազեան և յաբեթածին օրինացն. զոր ունին կարգեալ ի հօրէ իւրեանց Սրբոյ Գրիգորէ Հայաստանեաց սուրբ Լուսաւորչին: Ի ամին աւուր զոր առաջագոյն գրեցաք, Աստուծոյ հրամանաւն և քրիստոնէից կայսեր հրամանաւ՝ իւր իշխանութեան վերայ թագ կապեաց և պսակեցաւ որպէս օրէնն է, օծեալ և թագաւ զարդ թագաւորացն, և ի նոյն օրն քարոզ կարդալ ետ, որ ամենայն ոք թագաւոր անուն կոչեցէ զնա. զոր բնաւ այսպիսի ինչ երբեք ոչ էր լեալ ի այդ երկիրն, ի սկզբանէ իշխանաց մինչեւ ի նա, և ոչ ունէր օրինակ նախ քան զինքն ի այդ երկիրն, և ոչ ի նախնեաց և ի ծնողաց իւրոց. Թէպէտ զինքն որդի իշխանի անուանել ետ, բայց ոչ էր յայտնապէս և ճշգրտիւ՝ եթէ իցէ որդի օծեալ և թագապսակ թագաւորի, որպէս օրէնն է թագաւորաց՝ որդիս յորդիս յազգէ յազգ յաւիտեանս՝ պսակել ըստ ժամանակի իւրեանց. այլ սա իւր իշխան կամօք և բարձր հրամանաւն սահմանեց և հաստատեցաւ ամենագօր երկնաւոր թագաւորին կարողութեամբ. զոր Տէր Յիսուս պահեցէ զնա խաղաղական կենօք, և աշն Աստուծոյ ամենակալին եղիցի ի վերայ նորա պահապան, զի փրկեցէ զնա յամենայն թշնամեաց իւրոց և ի ձեռաց ատելեացն, և հաստատեցէ զնա ի վերայ իշխանութեան իւրոյ անխախտելի. խորհելով զհաճոյսն Աստուծոյ և զբարին յԱստուծոյ՝ առ ամենայն ազգս, եւս առաւել առ ողորմելի Հայոց ազգն. զի փոքր մի ժամանակ հանգիստ գտցեն իւրեանց հալածանաց և նեղութեանց. զոր ի անձն առին անօրէն և անհա-